



08561

梁溪先生文集卷第三十一

國朝

六律

特進觀文殿大學士致仕隴西郡開國公食邑

四千四百戶食實封一千七百戶贈大師諡忠

定李綱著

詩二十七

甲寅秋至乙卯以後作四十一

次韻劉仲高提刑喜雨

再賦兩篇

全真復以詩來走筆答之

奉寄李泰發端明

梁谿全集

卷三十一

汪廷俊見示喜雨和篇次韻答之

題劉仲高所藏文與可墨竹

諸公復以喜雨詩來勉賦一篇

諸季邀德久申伯同遊靈源

讀莊子六絕

送劉仲高提刑赴行朝

送張柔直赴岳州

送鄒德久還大柘舊隱

庭中醅釀盛開二甥以詩來和其韻

張甥賦碧桃次其韻

送錢申伯如邵武

小圃初成秦楚材有詩次韻

珪老以拄杖旄牛拂見遺報以二絕

次韻李似宗見示小圃之作二首

十二詠十二首

呂元直退老堂兩章

送張子固大資政赴召命

送秦楚材還永嘉

梁谿全集

卷三十一

二

陳國佐左司寄示天台山圖以兩絕報之

丹霞本老見示拂子并頌次韻

十二詠十二首

次韻李似宗見示小圃之作二首

珪老以拄杖旄牛拂見遺報以二絕

小圃初成秦楚材有詩次韻

送錢申伯如邵武

張甥賦碧桃次其韻

劉仲高提刑見示喜雨佳篇次韻和之

精禱龍淵默感通寸誠端可格蒼穹驅除旱暵千岑
翠灑濯焦枯百穀豐可喜盍親樽酒緣成霖未放海
雲紅清涼更覺山林勝閉戶空慙學寓公

七月六日逼夕大雨闔境告足豐年之慶枕上

用前韻再賦兩篇呈全真諸公

絳闕清都一念通沛然甘澤瀉層穹天心會與人心

陸一作頌

合國事尤須歲事豐秋水陡添江上碧朝陽却焰棟

間紅精誠自可驅雷雨安用區區致八公

梁谿全集

卷三

三

千里溝塍派脈通挽回樂歲賴高穹風雷借助不勞

力粳稻有期成屢豐枕上醉魂清夢想枝頭嘉果濕

青紅旅居又喜逢穰熟地主端疑是鄭公

東漢鄭洪為淮陰大

守隨車雨至兩白鹿夾轂

張全真復以詩來走筆答之

良牧齋祈意輒通淒然似欲變秋宵涼生枕簟精神

健爽致江山氣象豐編簡卷舒初有味丹鑪進退漸

看紅蓴收又整清商御自哂何年拜木公

漢謠揖金母拜木公公

謂東王公也

奉寄李泰發端明

一別東吳不記年，飽經憂患各林泉。知公置酒常高會，顧我杜門惟熟眠。無分去爲湯餅客，有緣來作荔枝仙。越溪閩嶺無多地，步月看雲只黯然。

汪廷俊見示喜雨和篇次韻答之二首

一氣潛升處處通，誠心初不問窿穹。乍欣草木回枯槁，更喜淩盛備潔豐。宿霧遊雲朝尚合，斷霞殘炤晚偏紅。陽舒陰慘無遐邇，造物從來任至公。

憫旱遙將精氣通，秋霖霽霈仰旻穹。山川增煥家家好，黍稷方華物物豐。得句自應髭變白，舉觴何惜頰潮紅。他時儻會風雲便，肯倒長瓢學衛公。

四

嘗代龍行雨，每下瓢中一滴水。輒尺餘，過故鄉，憫其久旱，倒瓢傾之，遂成漂溺。

題劉仲高提刑所藏文與可墨竹

蕭郎畫竹稱逼真，與可所作尤絕倫。不將丹青借粉

拖一作把

飾，直抱墨寶傳精神。渭川萬箇在，曾次援毫戲掃如

煙。雲眼前先見欲畫者，兔走鶻落氣益振。稚枯偃仰

盡變態，筆力幹轉風霆春。平生知作幾千幅，得心應

手老斲輪。當時誰是識畫者，東坡謫仙蓋其人。老坡

亦善作此畫意雖已到法未親是中妙處不傳授但
得木石枯鱗斂自從兵火喪亂後錦囊玉軸隨埃塵
公於何處得此本四枝墨色猶鮮新風梢雨葉間濃
淡紛披屈折節脈勻置之坐右滌炎暑颯颯便覺秋
聲聞子猷會見定絕倒安用日事栽培勤只今與可
骨已朽妙蹟散落此幸存願公秘惜勿輕示更築小
堂名墨君與可每畫竹不令東坡見恐得其法也坡嘗問以已畫何如與可曰公所畫轉針法
耳坡聞之輒大進

梁谿全集

卷三十一

五

諸公復以喜雨詩來勉強再賦一篇見鄙意

聖君憂國物情通良牧精祈動上穹塞北干戈雖未
定江南禾稼自多豐阿香推轂驚雷遠玉女投壺笑
電紅幽贊中興萬靈集願將人績屬羣公

諸季邀德久申伯同遊鼓山靈源洞僕以病不

果往賦詩見意

靈源韞秀異傑出閩粵間神功謝鑄鑿妙境森回環
曲磴下窈窕高巖上孱顏松蘿互蔭翳正暑生清寒
路轉人寂寂泉飛澗潺潺乘高望雲海天末波濤翻
偉哉宇宙中有此氣象寬諸子雅好遊蠟屐屢山樊

佳客來自遠復共一日歡而我抱衰疾屏居方杜關
豈不樂山水宴坐心不闌神遊八極表寓日無髭鬢

塊一作塊

塊視衆獄小盃看五湖慳矧茲几案物安用勞躋攀

登覽務得雋無乃見一斑作詩調諸子醉語不可刪

秋風動林壑凍雨洗塵寰新涼至萬里濃翠浮千山

白雲出何心飛鳥倦自還興盡盍過返勝遊宜勿殫

養生讀莊子六絕句全雅豈烈派遊返言籍又不

漆林仙吏已賓霄浩蕩奇言久寂寥鵬鷖何須迭相

笑斯遊安得不逍遙

梁谿全集

卷三

六

世間物論最難齊有萬初從一氣吹若會此心平等

法天淵元自絕高卑

養生有主衛生經神守全時豈廢形遊刃有餘刀不

挫解牛須是學庖丁

濠上觀魚適意時從容魚樂獨心知何須更問魚非

我能見魚遊復是誰

宜作泥塗曳尾龜難堪芻豢廟中犧從來一臂重天

下肯以此身輕翊爲

誠欺儒墨每云云芻狗詩書跡已陳泯絕是非歸道

妙掃除糠粃見天真

送劉仲高提刑受代赴行朝

繡衣將命七閩中攬轡褰幃邁古風懷抱坦然推厚

德平反多處贖陰功却持漢節朝天陞未許甌民借

寇公簪筆行趨青鎖闥攜家去指水晶宮

將泊家吳興郡故云

風吹煙浪蕩鱸熟日炤霜林橘柚紅若到東吳見知

舊爲言多病一衰翁

送鄒德久還大柘舊隱三十韻

抱病臥雲海杜關誰與遊鄒子惠過我命駕無停輒

梁谿全集

卷三十一

七

但思一會面不願萬戶侯故人相許心拔俗今焉儔

觸熱涉長道始識歐閩州叩門泉石邊僮僕驚髭虬

怪我齒髮衰志氣非昔侔豈知數年來患難如戈矛

收悲且歡欣身健餘何求情話豁懷抱高辭紹軻邱

遠尋雲間寺屢泛江上舟同攀荔枝紅坐見菊花秋

告我欲邁返歸袖風颼颼投老不禁別驛茲小淹留

置酒古道場大白相獻酬短日忽西匿輕雲靄而浮

露下松桂枝月轉西南樓殷勤渭城唱達旦增離愁

念子韞器業學博仕未優至寶委路傍誰能辨琳球

世事方多艱英俊宜旁搜何人有高識薦此窮馬周
丈夫重氣概出處非身謀巋然棟梁材回首須萬牛
元豹且深隱駮驥將見收嗟我蒲柳姿雅稱山林幽
平生七不堪豈獨三宜休國恩竟未報負此終身羞
行矣勉著鞭俟時攄壯猷他年鐘鼎勲在子吾何憂
送張柔直赴岳州求養轉武庫監

荆楚通南國巴陵據上游江湖作襟帶民物會車舟
喪亂經多難荒涼但一邱高臨洞庭野無復岳陽樓

帝念蘇疲俗恩頒起故侯光華剖符竹輯睦擁貔貅
梁谿全集

卷三十一

八

魯肅規橫在陶公政績優遠師前哲訓力贊中興謀
羣盜何難縛侵疆儻可收徃分千里寄爲解九重憂
我已甘衰病君方茂壯猷三年其幽討此日動離愁
世事經綸急淵衷寤寐求着鞭先祖述悟主繼千秋
閩外資奇畫樽前失勝流瀟湘有回雁莫遣信沉浮
庭中醑醪盛開二甥以詩來戲和其韻

栽培初不棄葑菲桃李無言下自蹊試管小圃供幽
奇野趣獨與閑相宜邇來綠葉子滿枝新花璨發歸
醑釀濛濛煙雨濕水姿湯泉乍洗溫柔肌玉人胡爲

在軒墀態濃意遠芬蘭芝月華萬里來清輝炤耀光
彩通屏帷青雲宛轉蟠素螭高架上與飛薨齊客來
花下同圍碁對花不怕輸吟詩帝鄉富貴未可幾淵
明之語真良規一盃相屬慎勿辭我方鋪糟噉其醅
醉中不省今何時宵次洞達元無疵山林正好相娛
嬉朝廷漸有中興期羲和鞭日不肯遲海水清淺
蓬萊池飛花雪落白玉卮起舞鶴望風前披

張甥賦碧桃次其韻

未許濃華獨占春故將淺碧鬪清新冰肌綽約疑姑
射玉質丰容似太真不與天香緣底事祇應國色已
無倫殷勤池上親培植從此芬芳冠七閩

送錢申伯如邵武

錢郎與世苦不諧宵次徒抱經綸才行年五十猶未
試蟠螫雖久愆風雷掃除習氣趣空寂華藏重重恣
遊歷世間幻妄此道真未必亨通勝窮阨我方臥病
南海濱喜君襟抱時相親胡爲乘興有所適使我悵
望歸飛雲兵戈格鬪何時息田園將蕪歸未得同是
天涯流落人此心炯炯君應識閩山六月丹荔枝火

齊堆盤脩一卮願言及此復過我歲晚勿負滄洲期
醉鄉我已成真隱君亦逃禪學蘇晉樂天不醉卽談
禪此外悠悠直須忍

小圃初成秦楚材直閣有詩因次其韻二首

僧坊暫寓白雲邊古木荒畦濕暝煙試葺池臺學愚
谷不妨風物似斜川邀賓深愧裴公野淪茗空懷陸
子泉塵世悠悠盡虛幻且將身健鬪樽前

屏跡山林得放懷檻花欄藥手親栽會心魚鳥故相
近乘興朋遊時自來半世乾忙嗟鬢白四方多難使

梁谿全集

卷三

十

心哀巖隈水田條然處老木輪囷愧不才

茅齋成乾元珪老以拄杖旄牛拂見遣成二絕

句以報之

橫挑世界鴻毛舉平打虛空冰片銷今日拈來居士
手穿雲渡水且逍遙
不取非廉取不貪玉裝塵尾漫氍毹年來居士無言
說立起從教作麼參

次韻李似宗見示小圃之作二首

山林自與性相宜卜築何須物物奇旋剪荆榛開小

徑自移松菊趁佳時雲生北嶺難持寄月出東山有
所思歲晚龐翁更多病攜家真赴鹿門期
竹影桐陰夏日長水花晚色淨林塘招邀風月成三
友邂逅賓朋共一觴閑把琴書聊自樂靜看蜂蝶爲
誰忙年來百念皆灰冷願老鰥川雲水鄉

十二詠

雙蓮閣

並蒂芙蓉出綠波靚粧鸞鑑照雙娥風清月曉微開
處無那幽人獨見何

梁谿全集

卷三十一

十一

夢室

誰把人間作夢閒本來夢覺兩閑閑清風一枕北牕
下遊徧江南多少山

藥圃

病翁餌藥欲扶衰自劬霜根種種移端爲出山成小
草白雲深處養青芝

橘亭

雪避繁華葉勝雲野亭秋後露苞新橘中不減商山
樂留與昂藏四老人

天丈竹亭
檻外新篁玉筍抽和煙滴露碧鮮浮此君一日難相
捨疑我前身是子猷

意猶晴荔枝亭

平生最賞荔枝名手植芳根傍草亭嘉木亦知人意
重著花不待一周星

王一如桂齋

團團雙桂拂茅齋虛幌疎櫺盡日開會待秋高風露

下清香飄泛月中來

梁谿全集

卷三十一

十一

蘭室

盡道幽蘭是國香沐湯紉佩慕芬芳何如邂逅同心

士一吐胸中氣味長

重簪花塢一風星

收拾羣英賴化工嫣然紅紫自成叢四時不絕芳菲
意誰謂春歸闌苑中

蘇武妻 圭沼

旋鑿幽池象玉圭蓮開紅素兩相輝年來居士心離

垢天女從教試染衣

屏跡山林養病身數迂旌旆訪幽人
追酬雅詠篇章富共醉芳醪
意氣親顧我老爲滄海客羨公去作紫霄賓
經綸蚤動中興業亦欲歸居浙水濱

辛田送秦楚材還永嘉

海上從容慰所思相逢已恨十年遲
未登臺省陪羣彥日向江湖把一麾
顧我留爲鷗鳥伴羨君歸赴鶴鴒
期樽前聽徹陽關唱明月依然照別離

陳國佐左司寄示天台山圖以絕句兩章報之
往年曾讀興公賦頗愛天台擅美名
數幅生綃傳見得恍如陸地到蓬瀛

梁谿全集

卷三十一

十四

應眞飛錫游行處峭壁危峯跨石橋
便欲違尋方廣寺却疑圖上有嘉招

丹霞本老見示拂子并頌次韻

鍊根不會世間機且作東山老
佳持有箇旄牛閃拂子用時由我不由伊

寶藏盛餘發體中興業亦於觀習流

富共頌芳醪意氣親顧我老爲滄海客

梁溪先生文集卷第三十一

梁溪先生文集卷第三十二

特進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著二首

詩二十八

自丙辰歲至豫章及戊午歲歸自豫章以後作三十七首挽歌詞及哭祭詩二

五首

贈羅偉政奉議

次韻李西美舍人見寄二首

次韻林茂南觀閱水戰之作

梁谿全集

卷三十二

南昌樓秋望

冬至日雪

再和趙正之觀水戰三首

正之復次韻作六章報之

殘臘雪再作二首

再次前韻二首

趙都漕出示魯直少游所書梅詩次韻

呂元直移鎮臨安

趙正之寵貺和篇裒與厚過適傳新命念睽違

之有日預深悵然輒次其韻

送趙正之之官閩中

次韻鄭顧道侍郎用師字韻見贈

次韻徐運使中冬教閱

次韻折仲古安撫端明食荔子感懷書事之作

壯遊山拙句

次韻延俊紀藥圃小集見贈之作

冬日來觀鼓山新閣

還自鼓山過鱣溪遊大乘榴花洞瞻禮文殊聖

梁谿全集

卷三十二

像謾成三首

舅甥會兩章

次李泰發韻二首送仲輔提刑弟還浙東

挽歌詞及哭祭詩

楊夫人挽章二首

唐植甫左司挽詞二首

哭宗留守汝霖

致享張丈修撰墓下追惟平生不勝愴然輒成

二章

哭吳元中丞相二首

哭許崧老丞相二首

許子大龍圖挽詞二首

張次東中奉挽詞二首

再挽一首

致奠張柔直知郡龍圖以詩四章哭之書置靈

几以代祭文

梁谿全集

卷三十一

三

八以六

再挽一首

再挽一首

再挽一首

再挽一首

再挽一首

再挽一首

贈羅偉政奉議

契闊踰年若泛萍一樽還此其江城蘭舟桂楫肯相
訪南浦西山無限情願我已甘華髮老羨君猶戲綵
衣輕秋堂夜飲他年話莫忘棋聲雜雨聲

次韻李西美舍人見寄二首

虜騎長驅犯帝闈濫陪國論敢謀身十年不得關河
信四海猶飛戰伐塵駕馭英雄歸睿主扶持宗社賴
元臣自慙老病無長策徒奉藩條牧細民

幾年離索渴微言敢意高車過我門暫解軒中徐孺
梁谿全集

卷三十一

四

榻漫開坐上孔融樽羨君感慨猶能飲顧我衰遲已
抱孫杞梓梗楠委崖谷上章端欲叩天闈

次韻林茂南參謀觀閱水戰之作

習戰樓船章水濱機輪運轉若無人旌麾耀日鷺飛
鷺金鼓翻波躍錦鱗四坐縱觀聊舉白一陽潛動欲
回春羽書正報淮淝捷想見臚傳設九賓

南昌樓秋望

兵火凋殘今幾秋江山依舊繞層樓飛雲捲雨不窮
態明月清風無限愁老子平生興不淺昔人何在水

空流落霞孤鶩齊飛處望斷楚天天盡頭

冬至日雪二首

銀河誰挽落層空散作瓊糝六出同和氣已隨陽氣
至人心自與帝心通魯臺不用書雲物楚俗由來驗
歲功多幸豐年又相繼從今臥治聽衰翁
瑞木飛花片片匀天風不動玉成塵葭灰有意迎新
律梅蘂多情漏早春更覺西山饒爽氣不妨東閣會
嘉賓十年不見渾如夢休怪兒童笑語頻

再和趙正之都運觀水戰三首

梁谿全集

卷三十一

五

戈船列陣楚江濱世事何嘗不在人鷁首衝風開雪
浪甲光向日動金鱗煙霄易覺壺中晚談笑潛回席
上春更辱佳篇與褒飾主人深有愧西賓

使節來從河漢濱天心圖舊慰斯人肅將宸指蠲氏
瘼力挽恩波活轍鱗北伐正須猷克壯中興方與物
爲春外臺豈久留英躅佇見觀光利用賓

抱病深棲雲海濱誤恩起廢愧陳人飛騰固乏搏風

翮游泳長思縱壑鱗一局銷磨垂老日三盃搖蕩滿

懷春何當詔許歸田野會有漁樵作上賓

正之復次前韻作四篇見示是日適登城樓以
望江山且閱捷報因賦六章報之

帝遣宗英使楚濱漕臺元自得詩人從橫錦繡花生
舌飛動龍蛇墨起鱗心拱北辰露渥笑回南浦淥
波春不須過作飛芻計早晚追陪紫府賓

黠虜狂謀犯泗濱脅從大半是人且將戈戟戮蛇

豕會把衣裳易介鱗河洛至今恩帝德雲龍行見會
王春漢官儀物都如舊混一車書萬國賓

晉敗符秦淝水濱謝公祇用八千人飛騰貔虎生修

梁谿全集

卷三十一

六

翼屠剪鯨鯢膾硬鱗否運旣傾終及泰寒威已振却

成一作生

成春吾皇盛德超千古接土端如見大賓

餘艣搖曳大江濱龜手從來笑越人會使風檣如陣

馬何妨鷁首著龍鱗已欣淮北兵戈捷且醉江南麴

米春元直德翁忘爾汝孰爲吏道孰爲賓

城樓縹緲俯漳濱景物依然念昔人雲出西山天欲

雪風來南浦水生鱗四圍氣象朝朝好一點陽和處

處春日暮短篷輕槳急雙魚應已付溪賓

伊昔端居寂寞濱每於騷雅愛其人長篇賸得爛銀

錦短句兼收細碎鱗指下粗能知越操郢中那敢和
陽春願藏大手無輕露寸膽於今已自賓

殘臘雪再作二首

朔風三日散輕埃珠蘂瓊花一夜開灑氣遠從雲表
下清聲初自竹間來未論上瑞呈三白且助元功澤
九垓向晚城樓聊寓目西山千疊玉崔嵬

榮回作舞下煙霄滿地光鉅混凸凹虛幌夜寒疑月
彩疎林曉粲誤梅梢遠懷戴隱終須訪高擁袁門未
易敲好是碧天雲散後銀蟾皎潔兩相交

梁谿全集

卷三十一

七

再次前韻

太清真境絕氛埃十二瑤臺面面開戰退玉龍鱗甲
冷導迎仙鶴羽儀來祥編已慶占盈尺和氣行欣浹
九垓須信天公工幻戲晴山依舊翠崔嵬
霏霏玉屑灑層霄皓色輕盈已覆凹留客徑須開綠
蟻探春何處認青梢堦庭充積無庸掃松竹歆摧尚
惜敲深愧主人修其薄嘉賓徒使獻酬交

趙都漕出示魯直少游所書梅詩次韻

冰霰憑陵羣木槁只有梅花欺不倒籬邊野外忽媿

然暗香解作幽人惱化工著意爲尤物故遣孤芳得
春早道人寫照三昧手不假丹青更妍好詩家也是
可憐人落筆雲烟隨意掃遂合淡墨勝鉛華紙上一
枝長不老庭中幾樹正垂垂忍看飄零委烟草會須
痛飲對繁華細把根源問蒼昊

呂元直移鎮臨安入覲行闕余方以衰病請閑
有卜居浙東之意願爲退老堂之遊作詩寄

之

詔起三湘老獵師和羹舊手帝深知戎車北伐資長

梁谿全集

卷三十一

八

策衮繡東歸有去思漫作天台休老計正當黃閣立
賢時主人方爲蒼生急願借新堂醉一卮

趙正之寵貺和篇哀與過厚適傳新命念聯違

之有日預深悵然輒次其韻

七言八法定誰師妙處工夫只有知南浦西山外同
賞清風明月更相思瓌材卓犖承恩日衰病侵尋念
去時垂老相看重言別莫辭歛澁十分卮

送趙正之判宗寔學之官閩中

寔一作寶

神明之胄慶所鍾稟毓不與常人同漢高子孫盡隆

準唐室賢輔多華宗本朝功德追前古振振宗姓敦
儒風君家奕世擅英譽繼持從橐聲光崇向來仗節
使關陝風績不減襄帷公自從國步躉艱限低眉信
命隨飄蓬十年流落困羈旅一日賜對明光宮御前
奉命作大字揮毫落紙蟠虬龍豈惟筆扛百斛鼎固
已氣吐千丈虹上流重地方用武貔貅十萬屯元戎
輟從禁近付飛輓木牛流馬慙無功國家敦睦急先
務改授欲使歸磨礮捨煩就簡愜雅志祇恐漕運難
追蹤門山中夏荔枝熟火齊磊落堆盤紅憑空跨壑
梁谿全集卷三十二

九

千佛寺金碧照耀烟霞中登臨多暇飫珍品豈比朱
墨相填叢帝心簡在方仄席鋒車迅召行登庸嗟予
憂患苦多病齒搖髮脫眞衰翁誤恩分闔愧無補豈
有惠澤漸兵農乞身屢矣未蒙可坐使澤雉愁樊籠
送君適浦慘長別此心已逐歸飛鴻會當柴車返故
隱幅巾杖履長相從

次韻鄭顧道侍郎用師字韻見贈

昔年班列會京師邂逅相逢只舊知一紀此身渾似
夢中原回首不堪思乍欣旌旆來臨日共喜江山適

意時感慨不須論舊事且將強健對芳卮

中冬敘閣兵將運使徐顯謨貺惠佳什降歎之
餘因次其韻以答厚意且簡同會諸公

伐鼓縱金閱五兵霜天清曉正崢嶸輕裘自愧叨儒
帥一令安能探舊營獵獵旌麾搖有浪駢駢徒御肅
無聲滿堂賓客皆英俊莫怪陳蕃倒屣迎

次韻折仲古安撫端明食荔子感懷書事之作

臥病閩山強自支常珍似與故人期卻嗟老眼傷心
日又見輕紅著子時萬事從來皆默定一罇聊復賦
梁谿全集卷三十一
十
新詩使君不作楞梨看他日逢人舉似爲

遊山拙句奉呈珪老并簡諸公

嘉客同遊海上宮高僧問道得從容乍驚暑退靈源
洞最愛亭開大頂峯

峯舊爲閣所遮師徒
閣而峯見氣象雄偉

傑閣初成切星斗飛雲時到繞杉松我來未盡登臨
興更待秋高灑氣濃

次韻廷俊紀藥圃小集見贈之作

遠邀車馬出郊東高閣登臨四顧雄雨飽其欣秧稻
綠酒酣尤愛荔枝紅謾同小隱開三徑頗效前賢時

效作笑

一申坐上衆賢能降飲滿浮大白莫如公
衆賢能降飲一作衆賢皆降歎

冬日來觀鼓山新閣偶成古風三十韻

尋盟訪鼓山風物宛如昨山中有開士彈指成傑閣
應眞飛錫來一一得所托翬飛騫棟蕘絢爛麗丹矚
崑崙大頂峯孤影入簷角乃知象教力建立必卓犖
却爲靈源遊雲木互參錯巖深松桂香石古苔蘚剝
冬溫日清美景短氣蕭索天然資野逸安用遮翠幕
快哉緬登臨及此小搖落乘高望瀛海南極露垠堞
蓬壺在跬步誰謂仙山邈蒼茫杳靄中萬象恣磅礴

梁谿全集

卷三十一

十一

迴頭睇中原郡國半沙漠犬羊汚宮殿蛇豕穴城郭

虞一作危

疇能挽天河一洗氛祲惡我生多艱虞久矣衰病作

君恩聽言歸養拙侶猿鶴忽忽歲將盡平子殊不樂

幸同二子杖屨徧邱壑躋攀力尚強談笑心無忤

野鹿飽豐甘冥鴻在寥廓翻思軒冕間何異遭束縛

斯遊信清絕妙賞寄寂寞晚來淒以風遠色秀增岳

冷冷鐘磬聲隨月度林薄怒焉感時心未免如隕箠

倘能駕雲螭豈復憂世瘼會當期若士相與踞龜殼

還自鼓山過鱣溪遊大乘榴花洞瞻禮文殊聖

像漫成三首

一派寒流作小溪松篁深處有叢祠千年鯁骨專車
在百丈靈湫瀑布垂粳稻豐穰欣歲樂笳簫清咽報
神私更將小雨爲滂澗正是農夫播麥時

乞得明時多病身歸來林下養天真芒鞋竹杖未全
老藥灶酒壺隨分春山寺遞傳鐘磬晚田家收拾稻
梁新試窮溪上榴花洞恐有桃源避世人

布地金沙片片勻深沉院宇闕祇園清涼路畔前三
語摩詰城中不二門千種光明瞻瑞相六根清淨爲
梁谿全集 卷三十一
還源俊猷座上法王子稽首皈依衆所尊

冬至前六日奉陪舅氏燕集于張甥東齋泰孫

侍坐舅甥四世同會豈易得也舅氏以詩見

祝謹次韻成兩章拜呈并簡季弟二甥同賦

舅甥高會共稱觴四世于今在一堂眉壽康寧由德
厚慶流深遠本源長但將直道師周孔豈有嘉猷助
禹湯提誨勤勤何以報願言殊祖集新陽

人間此會信非常和氣薰然自滿堂競酌芳樽同勸

壽正當愛日欲迎長綵衣誦古如流水

是日泰孫誦詩書
萬餘言無一誤者

沃湯乘馬路車無以贈滑陽元自是王陽

次李泰發韻二首送仲輔提刑弟還澗東

朝路紛紛厭送迎
乞歸恩予繡衣榮
稍知物外煙霞好
便覺塵中富貴輕
飛鳥已能同葉合
叱羊何必效初平
坐忘我欲師前躅
爲過天台訪赤城

謁告歸來若駿奔
友于真可裕仍曷
其傷庭玉先埋土
悵望鴿原增斷魂
白髮自嗟臨藥灶
一餅端欲寄空門
浙東耆舊如相問
爲道哀遲愧主恩

挽歌詞及哭祭詩

梁谿全集

卷三十一

三

楊夫人挽章二首

來嬪初卜鳳和鳴
誰謂今聞薤露聲
婦道宜傳青史筆
壺儀猶在錦官城
承家早慶芝蘭秀
主饋空餘蘋藻誠
念舊感卿情義厚
可堪孤坐想平生

悼亡何事覺神傷
端爲音容不可忘
舉案素聞○節操
題橋今共見龍光
錦囊屢慶宸恩重
丹旒俄嗟蜀道長
髣髴靈遊元未遠
無人解致返魂香

唐植甫左司挽詞二首

踐歷高華久歸然
譽望崇典章
諳故熟翰墨老彌工

龔亮傳家法清忠邁古風温温江玉硯同闕九原中
夙昔欽賢業何知其里問忘年遇我厚謫宦識公初
小嶺親高論靈齋見異書淒涼眞一夢追想涕漣洳

吳宗留守汝霖

宗澤字汝霖澗東人自爲小官卓犖不羣能
自立以故屢被罪靖康冬用爲磁守楹金寇
再犯闕上以康邸奉使道磁澤力挽留不得
行再造之功澤爲多同列者忌之譖毀百端
斥外不用余去夏抵

梁谿全集

卷三十一

十四

行在澤得守襄陽未行與欵語忠義慷慨憤
發至流涕力荐于上使進職留守京師誅姦
惡捐善良大得都人之心繕治城塹樓櫓復
壯屢出兵以挫賊鋒以故能守數表請車駕
宜還闕媚嫉者愈切齒難其代者故得不罷
今聞其疽發背而死殆憂憤使然殊可爲天
下惜也詩云人之云亡邦國殄瘁方時危而
失此一人其可哀也矣賦詩以哭之

時危念人傑濟物須材雄尋常醜姿詎可收奇功

英英宗夫子邈與古人同抱器實磊落秉心鬱精忠
影纓仕州縣山立不妄從青松雖未高已足凌蒿蓬
涉世多齟齬失官久龍鍾擢居河朔郡煙塵正昏蒙
今上在藩邸持節使虜中力爭不可往高牙建元戎
王室遂再造廟廊當疇庸同朝共排娼一麾江漢東
見我論世故慷慨淚霑胸薦之守留鑰付以節制隆
惠政拊疲瘵威聲懾姦兇金湯治城塹樓櫓欵以崇
出師京洛間屢挫黠虜鋒邦畿于里虛誇說百歲翁
抗疏請還闕北伐歸兩宮辭直志體亮天子爲動容

梁谿全集

卷三十一

五

奸諛更切齒恨未能關弓乃同歸鄭人感憤殞厥躬
皇天不憖遺吾道何其窮驂騑竟委離冀北羣遂空
梁摧大厦傾誰與扶穹窿安能百身贖坐爲四海恫
人亡國殄瘁天意真懵懵中原氣蕭瑟灑涕臨西風
致享張丈修撰墓下追惟平生不勝愴然輒成

兩章以敘懷感之意

秋原鬱鬱見佳城尚想音容涕泗橫痛惜山頽與梁
壞愧無玉潤繼水清喪賢初值龍蛇歲憂國空餘金
石誠賴有堦庭蘭玉在芬芳端不墜家聲

勇退風流霽士林對揚丹屐極規箴高名雅出漢廷
右遺愛空存南國深身後淒涼報恩子生前軒豁濟
時心九原可作如公少獨立西風淚滿襟

哭吳丞相元中二首

妙年聲譽靄文場壯歲飛騰青瑣郎獻納承平欲堯

舜扶持危難冀宣光賈生曠達仍傷鵬平仲精忠亦

殞荒自古青蠅能白黑玉華舊事已淒涼

宜和之季靖康初同力同心衛帝居扶轂共升新日

月謫官難守舊田廬孔光溫室不言樹陸贄忠州戒

梁谿全集

卷三

六

著書歎息端莊士君子豈隨草木腐邱墟

哭許崧老右丞二首

夫子相知一紀前定交握手自忘年長松老鶴骨格

古粹玉精金操守堅出入三朝昭大節漂流萬里正

華顛皇天不憖遺元老空使蒼生共黯然

多聞直諒復疏通近世交遊少似公益代才名同賈

誼平生述作類揚雄筆蹤高古今那有詩調清新老

更工知識年來凋喪盡不堪洒淚落秋風

許子大龍圖挽詞二首

芬芳登桂籍，烜赫紹家聲。持橐恩輝渥，分符政術明。
優優方臘仕，鬱鬱遽佳城。庭戶多蘭玉，應無可恨情。
接武鴛鴦列，交承淮海州。平生欽德望，避地歎風流。
樽俎開幽抱，江山共勝遊。那知生死隔，哀淚浩難收。

張次東中奉挽詞三首

賈父褰帷日，于公駟馬門。十年持使節，兩郡擁朱轡。
無復功名會，空餘氣槩存。淒涼九原路，楚些與招魂。
寓意樽中滌，陶然得此生。孔融真好客，阮籍自忘形。
議論于夫屈，風流一坐傾。傷心將玉樹，寂寞闕佳城。
南國多奇士，如公豈易求。才高雖擅譽，命阨未封侯。
故宅風煙慘，新阡松桂幽。遙傳一掬淚，爲灑暮江頭。
致奠張柔直，知郡龍圖。以詩四章哭之，書置靈

几以代祭文

一枰兩淺

頃歲寓長樂，與君過從，必圍棋酌酒。荐以荔枝兩淺盤，君嘗云：此生但得弈一枰，荔

枝兩淺足矣。

舊相期歎息，君今願已違。却把荔枝三奠酒，

數行清淚濕深衣。

隻雞斗酒祭夫君，尚想平生生意氣。親痛惜中原未恢

復，如何天乃喪斯人。

去歲如今會豫章從容談笑共銜觴豈期便作終天
訣尺素開時神內傷
連夕頻頻夢見君依然野鶴處雞羣不須遺恨功名
淺世事渾如空際雲

梁溪先生文集卷三十二

卷三十二

六

去歲如今會豫章從容談笑共銜觴豈期便作終天
訣尺素開時神內傷
連夕頻頻夢見君依然野鶴處雞羣不須遺恨功名
淺世事渾如空際雲

梁谿先生文集卷第三十三

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

擬撰表本

建炎元年七月得旨擬撰

起居道君太上皇帝表本

起居孝慈淵聖皇帝表本

靖康擬詔書

八首內二首缺

撫諭河北詔

梁谿全集卷三十三

獎諭徐處仁詔書

起防秋兵詔

募民出財詔

戒諭姚古詔書

賜夏國主詔書

與大金國書

與高麗王詔食實封一千七百戶銀太師諡忠

與高麗王詔食實封一千七百戶銀太師諡忠

起居道君太上皇帝表本

見時政記

起居孝慈淵聖皇帝表本

見時政記

撫諭河北詔

獎諭徐處仁詔書

有進呈劄子并御批見正錄第七卷

起防秋兵詔

時虜騎出境朝廷恬然以為無事防邊禦寇

梁谿全集

卷三十三

二

之策置而不問公竊憂之與同知樞密院事

許翰議於上前謂今秋敵必再至宜預詔天

下起兵防秋為捍禦之計上命草詔以諭諸

路安撫總管鈐轄司

朕初嗣歷服遭時艱難犬羊之羣敢肆陵侮侵犯邊

境達於都畿賴宗廟社稷之靈賢士大夫勤王將卒

之力以克捍禦而倉卒之間輔臣失計割三鎮以賂

之天啓朕心斥去姦回決策堅守今者重兵尾襲賊

騎遁逃朔部無虞與天下同慶然而虜情狡獪未有

申樞密院各以名聞朕將等第推恩以爲忠義之勸
故茲詔示想宜知悉多寡不以一二作不以多寡

戒諭姚古詔書

姚古爲河東路制置使久駐師威勝軍不進上令草詔戒諭之

勅姚古太原爲河東根本右控關陝左通朔部在三
鎮尤爲重地金賊攻圍殆百餘日兵疲糧乏勢危力
殫羽書日聞夙夜憂念以卿素著忠勇爲時名臣故
命統帥諸將進兵應援近雖已復隆德威勝前拒南
北關尚未聞踰圍桓越徐溝以造太原之下致使賊
虜猖獗侵掠汾晉其何以解朕西顧之憂詔到其率
勵士卒戮力用命破堅却敵解圍太原以復忻代高
爵厚祿朕何愛焉故茲親筆詔示想宜知悉夏熟卿
比平安好遣書指不多及

梁谿全集

卷三十三

三

賜夏國主詔書

時金人犯闕夏人亦起兵以擾西陲鄜延路繳進夏人檄書上

令草詔賜夏國主解其意以撫慰之

詔夏國主朕居春宮十有餘載弗敢怠逸四方所聞
道君太上皇帝享國日久厭萬幾之繁爰議內禪朕
辭不獲命遂登大寶深惟祖宗建構之隆上皇付託
之重夙夜兢惕懼不克任而金人不道乘郭藥師背

叛之故陷沒燕山倣擾邊境達於都畿肆爲貪殘劫質以往永念卿屏翰之舊信誓皎然義當戮力同濟艱難以敵王愾而陝西奏報乃言卿國黠集重兵五路深入攻陷城堡殺傷兵民朕惟卿明允篤誠世濟忠孝主於西陲藩屏帝室多歷年所英聲流聞今至於茲殆朕德弗類嗣政之初未能綏撫之所致也西顧悵然良自傷悼及得郵延路帥臣章疏繳到卿國檄書公牒省覽再三乃知構兵起於誤聽檄書初言

中國失德數事皆曩時大臣誤國上皇已降詔書深自悔悼今朕克己求治以儉先天下凡淫巧奢麗之

梁谿全集

卷三三

四

具一切屏去蠹國害民之臣咸已竄誅前日之事所不復論中言賀正人使之歸所見京城整覈兵甲修治樓櫓疑有姦臣變亂此乃隄防金人之故耳豈有他哉終言與本朝信誓之久義須救援以此知卿忠義有素誤聽致此初無他心至於過差之辭朕初不之罪也公牒言國書之實與舊不同此乃有司用寶差誤已重竄責凡茲細故朕旣釋然卿亦宜亮夫金人以叢爾海隅之國背天逆神滅絕契丹遂陵中國

淫暴滋甚使其得志何有于卿哉孤軍深入理當勦
殄朕以皇弟肅王在其軍中第命將士驅逐出境邊
城晏然前遣康隨鄭惟康道意必亮此誠詔到卿宜
釋去疑慮撫諭將士抽回甲兵修好如故高爵厚賜
朕何愛焉今遣武功大夫王祐武功郎馬特告諭故
茲詔示想宜知悉夏熱卿比平安好遣書指不多及

與大金國書

幹離不邀割三鎮既退兵三鎮之民爲朝廷堅守善不從虜上命草

書與虜
主道意

靖康元年五月姪大宋皇帝致書於伯大金皇帝闕

梁谿全集

卷三三

五

下菲德之居東宮十有餘年矣邇者道君太上皇帝厭
萬幾之煩遂議內禪肆及眇躬膺受大寶惟懷永圖
願修鄰好而兵革擾攘未遑致問其爲懷企何可勝
陳言念往日遣使海上通兩國之歡信誓昭然金帛
之輸未嘗少闕誠謂世守茲盟無有携貳而皇子郎
君乃摺拾細故敗棄舊約因叛將藥師以兵內嚮皮
劉邊陲深入畿甸乘中國之不備遂肆憑陵誠非所
望于善鄰也城下之盟蓋緣輔臣怯懦失計重鎮寶
貨一切惟命皆出要盟神所不臨豈復可用而况還

內稱一作駕等

師渡河劫質肅王已復渝約勤王之師百萬集于城
下將士憤怒咸欲邀擊徒以肅王在軍之故深戒用
兵使得全師以歸而皇子郎君肆爲淫暴屠戮良民
係累婦女焚蕩室廬不可勝計緣是之故三鎮之民
皆出死力爲國堅守雖朝廷號令有所不從此乃軍
前失信之所致也重念頌者道君太上皇帝與大金
皇帝歡盟相得之厚旣滅大遼分燕山之故境以歸
中國累年于茲中國未嘗得粒粟尺帛之助而漕運
之勞金幣之費不可勝計今燕山陷沒旣渝前約又
欲併取三鎮之地使敝邑無以爲屏翰是豈大金皇
帝之旨哉且皇子郎君雖貴人臣也坐受本朝宰臣
親王之拜敗盟爽約妄起兵端贖貨無厭求取不已
有一於此豈人臣之所當爲哉敝邑無辜橫遭屈辱
以大金皇帝之聰睿仁慈寧不諒此違恃英明敢以
實告前日皇子郎君割地求賂廣有要索敝邑不校
悉皆聽從彼此非誠人情不遠誰不知之欲尋往日
之盟以結兩國之好使兵革不用生靈休息莫如度
其所可行者重結盟誓以信守之昔我烈祖眞宗皇

帝與大遼盟於澶淵百有餘年未嘗少有變故天祚失德不可振起乃至於茲大金皇帝倘

闕文

垂英察

使燕山歸於大邦三鎮安於敝邑各得其所保茲舊疆信使交通歲幣修好傳之永世爲子孫無疆之休顧不遑歟謹遣使人往布誠悃倘或見允願示佳音所有粘罕國相軍馬見在河東亦冀召還以篤和好有少禮物具如別錄中夏炎蒸遠祈保毓

與高麗王詔

金人退師朝廷遣使臣侯章等至高麗國上命草詔與之

詔高麗國王朕居春宮十有餘載雖德不類罔敢怠

梁谿全集

卷三十三

七

逸亦惟四方所聞道君太上皇帝享國日久厭於萬幾之煩爰議內禪朕辭不獲命遂登大寶深惟祖宗基構之隆上皇託付之重夙夜驚惕懼不克承任而金人不道乘郭藥師背叛之故陷沒燕山俶擾邊境達於都畿方朕卽政之初遭此震驚以故未及與王相聞朕維王世濟忠孝膺受顯册奄有三韓之地屏翰之舊久愛國恩肆我烈祖神宗皇帝遣使修聘禮意備至情同骨肉義則君臣以至於我道君太上皇帝頻年遣使錫賚不貲待遇加等朕惟中國與王遠

隔遼海壤斷土地而恩禮如此豈有他哉亦惟藩衛
中國庶幾艱難有以敵愾茲者金人乘我不備與叛
人偕來深入內地王國與之爲鄰相望無數百里之
遠而不能蕩其巢穴以報中國豈累朝廷遇殊絕之
意耶彼金人者固嘗臣屬於王以蕞爾海隅之醜背
天逆神絕滅契丹遂陵中國淫暴滋甚使其得志何
有於王哉孤軍深入理當勦殄朕以其劫質肅王而
去第命將士驅逐出境邊城晏然方將起天下之兵
問罪小醜王其率勵師眾相爲表裏以行天誅夫糾
敵王慝獻俘本朝以報中國數世之恩大忠也取亂
侮亡誅討淫暴以伸威沙漠之外大義也拓地開境
覆其巢穴以報驕不臣之虜大威也一舉而三者
皆得王何憚而不爲哉高爵厚賜朕於王無所愛惜
王其勉之今遣侯章等往諭至意夏熱比平安好遣
書指不多及

梁溪先生文集卷第三十四

特進觀文殿大學士致仕隴西郡開國公食邑
四千四百戶食實封一千七百戶贈太師諡忠
定李綱著

建炎擬詔

勅榜詔

戒諭武臣詔

撫諭河北河東路詔

勅榜獨留中原詔

梁谿全集

卷三十四

戒諭士風詔

以上五首俱見時政記不復重出

梁溪先生文集卷第三十五

特進觀文殿大學士致仕隴西郡開國公食邑

四千四百戶食實封一千七百戶贈大師諡忠

定李綱著

制三十一首

宰相除三少

宰相除三公

觀文殿大學士中太一宮使除太保少宰

觀文殿大學士中太一宮使除少保左輔

梁溪全集

卷三十五

觀文殿大學士中太一宮使除節度使

彰信軍承宣使除武寧軍節度使

節度使中太一宮使兼侍講移鎮除檢校三少

開府儀同三司

知樞密院除節度使醴泉觀使

殿帥

觀文殿大學士諸路經略安撫使除節度使

吏部尚書除節度使

彰化軍節度使熙河路經略安撫使除檢校少

保雄威軍節度使

節度使殿前都指揮使除檢校少保移鎮充鄜
延路經略安撫使

觀文殿學士除節度使知大名府兼北京留守
戚里承宣使除節度使

皇弟除太傅山東道節度使開府儀同三司進
封越王

皇伯節度使開府儀同三司除郡王

皇子封節度使國公

梁谿全集

卷三五

二

皇子除檢校少保節度使郡王

皇子除太傅兩鎮節度使封韓王

皇姪除節度使封郡王

宰相除三少

極處中曰紫微之垣莫親于輔相斗戴六曰文昌之府寔本于政機眷予忠蓋之臣茂膺考爰之典誕宣顯冊敷告明庭具官某直諒而粹衷溫恭而博達學足以謀王體而斷國論材足以亮邦采而昭天功頃被眷知擢陪機務履一德而不爽告辰猷而允臧民具爾瞻宜輔台德屬茲袞職之闕延登揆路之華進秉鈞衡正位槐鼎朕方憲天以臨八極體道以照百官仰贊三光之明俯遂萬物之理資爾燮調之助成梁谿全集

卷三五

三

予化育之功締冕篆車陟崇資于亞保金印紫綬膺峻任于元台申衍爰田倍敦真食式昭物采併示寵光於戲帝舜選于衆而舉臯陶實惟股肱元首之一體商宗審厥象而得傅說有若酒醴和羹之相須立非常之事必賴非常之才建無窮之基則有無窮之聞佐佑乃辟永孚于休可特授少保太宰

宰相除三公

代天理物夙隆揆路之勲論道經邦宜補袞職之闕眷予碩輔爲國蓋臣泰山巖巖久副萬邦之望赤烏

凡凡往登三事之崇播告路朝誕敷顯冊具官某裕
和而肅又惇厚而高明智周萬務之微學洞六經之
蘊蚤以合聞揚于禁塗臣作朕股肱擢預經綸之政
帝賚予良弼遂膺考爰之求駟相國家收宣方夏燮
諧四氣之序參聽百官之成當軸處中材足以運動
樞極贊元經體道足以和同天人禮樂興於百年聲
教訖于四海俾予從欲以治時乃王佐之休疇其勲
庸宜有褒寵備三公之典冊爰隆帝傳之聯秉上宰
之鈞衡遂正真相之任衍戶租而倍食錫國邑以疏
梁谿全集

卷三五

四

封併昭物采之多用侈台符之峻於戲鹽梅正味以
調制于鼎司袞繡命章往參華于槐位式是百辟毗
予一人益敦燮理之功期底盈成之業無替朕命永
孚干休可特授太傅

觀文殿大學士中太一官使除太保少宰

論相宅百揆以亮采而惠疇建官曰三孤俾貳公而
洪化眷予舊弼爲時宗臣宜還冠于台司以大熙于
邦政式涓穀旦播告路朝具官某敦大而直方醇深
而簡重博學而守之以約該經術之淵源知周而用

無不宜適事功之機會蚤膺眷遇絲歷清華擢陪國
鈞寶輔台德贊元經體道足以和同天人當軸處中
材足以運動樞極中辭幾務之要退卽燕休之安佩

虞一作庸

玉長裾聯清班于秘殿珍臺間館領虜使于殊庭遠

閱歲時休有譽處盍來歸于揆路以寅亮于天功參
華亞保之聯進任中臺之長倍敦井賦申衍戶租式
昭體貌之隆庸示寵光之茂於戲丞相之子漢蓋將
附百姓而撫四夷冢宰之于周所以統百官而均四
海仰穆上天之緯下厚烝生之民朕方圖任于舊人
梁谿全集

卷三五

五

底于道可

觀文殿學士中太一宮使除少保左輔

朕蒙惠先猷肇修宮制允釐輔弼之任是正公孤之
稱祇若新書以大熙于邦采登延舊德宜還摠于台
司涓選剛辰誕揚休命具官某器函莊重德稟粹和
學通今古之淵源識際天人之精奧從容從橐有獻
納論思之忠擢預政機得贊襄勵翼之體遂膺夢卜
之舉進秉鈞衡之權相業維優師論參穆中辭幾務

之要退卽燕休之安兼秘殿之隆各領殊庭之虜使
年德彌著聞望益休盡還揆道之官莒底格天之業
象車締冕秩陞亞保之崇青瑣黃扉職峻東臺之長
倍敦井賦申衍戶租式昭體貌之隆用示寵光之渥
於戲用人惟己朕方圖任于元勳以道事君爾其承
弼于厥辟渙號聿資于審覆非彝允賴于糾繩毗予
一人式是百辟無替朕命徃其欽哉

觀文殿大學士中太一宮使除節度使

曳裾鳴玉入聯舊弼之班推轂授師出總元戎之政

梁谿全集

卷三五

六

列職雖異倚任惟均眷予心膺之臣克備爪牙之寄
誕場渙號播告大廷具官某莊肅而裕和偉大而明
允學際天人之蘊才兼文武之資自結眷知寢階華
近雍容從橐有獻納論思之忠密勿政機得贊襄勵
翼之體中辭鈞軸之要退卽祠宮之安裴度在朝卓
爾股肱之舊方叔克壯凜然將帥之風輟秘殿之華
資付旌旄之重柄簡自朕志穆于師言淑旂綏章備
多儀于大將珍臺間節仍虜使于旂庭衍食戶租倍
敦井賦式昭物采庸示寵光於戲吉甫之靈萬邦實

虜一作虜

兼資乎文武仲山之式百辟不吐茹于剛柔朕方宣
明道德仁義之威爾其鞏固藩垣屏翰之勢對場休
命益茂壯猷

彰信軍承宣使除武宣軍節度使

推轂授師總將權于閭外料敵應變制虜命于掌中
泰稽勲烈之崇宜懋褒嘉之典我有明命揚于天庭
具官某沈鷲好謀直剛不撓少有四方之志出逢千
載之辰暢漠北之威名厲山川之勁氣敦詩說禮有
古將帥之風懷德畏威得吾士卒之用入宣勞于宿

梁谿全集

卷三五

七

衛出著效于干城疇咨鎮撫之材爰付邊陲之寄賴
爾經略紓予顧憂而能因勢乘機運籌制勝披堅執
銳親居矢石之間斬將搴旗躬致馘俘之獻日百里
以闔國月三捷而奏功大震天聲永清夷落是用旌
其功伐畀以節旄領鎮雄藩盡護諸將神旗豹尾備
大將之威儀秘略龍韜新元戎之紀律倍敦井賦申
衍戶租併示恩榮式昭眷獎於戲高爵厚祿朕不吝
于報功禦侮折衝爾毋忘于敵愾勉罄爪牙之力益
隆屏翰之強祇服訓辭茂對光寵

節度使中太一宮使兼侍講移鎮除檢校三少
開府儀同三司

侍帷幄而處朝廷蓋密資于獻納易節旄而兼將相
式寵報于勲勞眷予忠盡之臣茂舉褒嘉之典誕敷
渙號播告明庭具官某温厚而剛明粹衷而莊重擅
儒宗之碩學躬王佐之宏材頃被明揚擢司幾務謀
王體而斷國論備著猷爲亮邦采而熙天工展盡底
蘊中辭政柄之劇退卽燕私之安大纛高牙備多儀
于上將貞祠間館領虜使于殊庭日造治朝泰陪講
梁谿全集 卷三十五 八

席閱時滋久登聞彌休惟尊道樂義之無窮豈崇德
報功之敢後陞華亞傅易鎮雄藩鼎鉉公槐峻視巖
廊之秩路車齋鉞益隆方面之權衍食戶租敦加井
賦併昭物采式示寵光於盛文武兼資吉甫作周邦
之憲將相並任裴度爲唐臣之宗顯膺體貌之崇茂
著股肱之美往綏福履毋煩訓辭

知樞密院除節度使禮泉觀使

右府本兵以策勲于宥密齋壇授鉞宜錫命于蕃宣
眷惟心膂之良克任爪牙之寄誕揚綸綍數告緡緹

具官某醇厚而直方裕和而肅毅學貫古今之蘊才
兼文武之資夙茂聲華踐揚要近擢由政轄進總樞
庭告辰猷而具臧秉一德而不爽運籌帷幄折衝樽
俎之間制勝邊郵行師枕席之上日百里以闢國月
三捷而奏功獨任指蹤坐收成效方倚壯猷之略遽
陳均逸之辭章屢卻而復來誠有加而無已疇其勲
烈付以節旄大纛高牙備多儀於上將貞祠開館領
膚使於殊庭雖暫卽於燕私初不離於王室敦陪井
賦併示寵光於戲勵相我家朕敢忘於舊德承弼厥
梁梁全集卷三十五 九

殿帥

漢置期門羽林之軍以夾輔宮省唐開折衝果毅之
府以鎮衛京師惟我本朝若稽前代宿重兵於輦轂
列屯戍於邦畿所以救甯震區拱翊宸極俾統貔貅
之旅必資心膂之良爰擇剛辰誕敷顯命具官某直
方而不撓勇鷲而好謀擅玉帳之威名稟金行之勁
氣敦詩說禮有古賢將之遺風懷德畏威得吾士卒
之樂用自其武服屢奏膚功折馘執俘敵愾禦侮執

干戈以嚴社稷之衛爾克著於勤勞聞鼓鼙則思將
帥之臣朕敢忘於錄用召自邊圉付以節旄典司宿
衛之兵總領營屯之政入則侍朝廷之內陞出則扈
屬車之清塵淑旂綬章壯元戎之體貌路車齎鉞備
上將之威儀申衍戶租敦陪井賦式昭物采併示寵
光於戲予王爪牙詩刺所父之失職克用常吉書美
虎賁之得人爾其明紀律以訓齊師徒辨次舍以肅
清微道式遏姦宄作固藩垣得盡其心俾士氣之增
厲乃安斯寢致王心之載甯則予一人無疆惟休而
梁谿全集卷三十五
爾亦有無窮之聞

十

觀文殿學士諸路經略安撫使除節度使

學以卽戎籌略必資於儒將齋而投鉞節制以寵於
元勳式隆方面之權克重藩垣之體我有渙號敷於
大廷具官某惇大而直方剛明而肅又識洞幾微之
表才兼文武之全蚤踐要途參機務謀王體而斷
國論肩輔弼之一心有常德以彰武功蘊將帥之遠
略輟從廊廟坐鎮邊陲緩帶輕裘蓋折衝於樽俎敦
詩說禮豈專意於韜鈴訓練貔虎之師建築金湯之

險日百里以闢國月三捷而奏功奮揚天聲震疊夷
落疇其勳績宜有褒陞是用解秘殿之華資付齋旄
之重寄高牙大纛備上將之多儀渠期未旂壯元戎
之異數敦陪井賦衍食戶租以隆閭外之威以迪師
中之吉於戲有奔走禦侮朕方極于倚毗無智名勇
功爾宜務于持重益勵猷爲之壯以綏福履之豐祇
服茂恩無忘明訓

梁吏部尚書除節度使

梁谿全集

卷三五

七

入踐中臺之職實首六卿出分井間之權盡護諸將
惟倚任之不異豈恩禮之或殊者乎心膂之臣克備
爪牙之寄誕敷顯命播告治朝具官某挺高明之質
蘊渾厚之量文章典雅久居言語侍從之班問學深
醇雅有獻納論思之益頃由人望擢長天官銓衡有
方風績彌邵維藩垣之重任資文武之全才輟自近
臣委以方面顧邊圉之方賴豈頗牧之可留推轂授
師克壯元戎之勢擁麾乘塞式寬西顧之憂宣國威
靈賴爾經略卽佇膚功之奏公嚴武服之共申行戶
租敦陪井賦式昭物采併示寵光於戲卻縠之將中

軍是爲說禮惇詩之帥亞夫之屯細柳詎同棘門灞
上之師惟恩信足以得士卒之心惟威懷足以制羌
戎之命往服朕訓永觀厥成

彰化軍節度使熙河路經略安撫使除檢校少
保雄威軍節度使

擁齋旄而乘塞克隆元帥之勳易邊鎮以旌能仍峻
貳公之秩着時宿將茂舉徽章播告路朝壹孚師聽
具官某剛毅不撓沈鷲有謀擅虎帳之威名稟金行
之勁氣夙備爪牙之任出宣屏翰之風建安定之節

梁谿全集

卷三五

七

旌盡護諸將當臨洮之方面統御列城賴爾撫綏紆
予憂顧而能料敵制勝禦侮折衝運籌帷幄之中玩
寇股掌之上宣明威信叛則討而服則懷訓齊甲兵
戰必勝而攻必克屢致馘俘之獻日增壘堞之修聲
名隱然勳績茂矣宜換秦川之節俾參亞保之聯豹
尾鸞旂備威儀于大將篆車綈冕視服命于三孤申
錫爰田敦陪眞食併示龍光之寵益崇帥閫之權於
戲聽鼓鼙則思將帥之臣朕敢忘于丕績執干戈以
嚴社稷之衛爾無替于前勞益勵壯猷以永終譽

節度使殿前都指揮使除檢校少保移鎮充廓
延路經略安撫使

提七萃之旅入則拱衛于巖除建大燾之威出則撫
臨于邊徼克備爪牙之寄聿資心膂之臣視秩台司
增巖帥閫我有明命揚于大廷具官某偉量沈雄英
姿果毅蚤膺顯爵備厯戎行懷干城禦侮之材著斬
將搴旗之績疇其勲烈付以節旄擢帥殿廬肅軍容
于壁壘揔監虎士嚴禁衛于鈞陳忠義自將慎密不
出得吾士卒之樂用有古將帥之遺風○○○○○
梁谿全集 卷三五 七

邑戶之多併示寵光之渥於戲申伯之聞四國實揔
藩宣吉甫之憲萬邦兼資文武固封圻以衛王室守
典常以承天休往旣厥心無替朕命

戚里承宣使除節度使

爵祿以馭富貴實爲八柄之先藩屏以建親賢蓋本
九經之重眷維戚畹之懿茂舉疏封之章播告大廷
亶孚羣聽具官某秉心淵塞毓德粹和承世胄之華
而無矜驕之習服詩書之訓而有儒雅之風蚤被眷
知寢階華近屬囊鞬以奉御鳴佩玉以造朝夙夜維

寅靖共自好宜付節旄之寵益隆肺腑之親鉄鉞車
旗備威儀于上將帶裳幅舄昭命數于元侯申衍戶
租敦陪井賦式頒物采併示寵光於戲建官惟賢私
恩直廢于公義保身以哲居寵必思于履危惟恭儉
足以作德而日休惟忠孝足以致身而衛上往綏福
履無煩訓辭

皇弟除太傅山東道節度使 開府儀同三司

進封越王

朕用心以友于天倫建侯以藩于王室毓爵以貴韉

梁谿全集

卷三十五

十四

如棠棣之華裂土而封屹若磐石之固誕敷渙號播
告明庭具官某英粹凝姿溫恭秉德允出神明之胄
居多致意之文大雅不羣邁河間之偉略爲善最樂
守東平之格言曩稽立愛之經茂著維城之義疏封
滋久譽望彌休疇其德業之崇宜舉彝章之峻是用
契龜而協吉按圖而定名表爲眞王奄授樂國高牙
大纛建一道之節旄赤舄桓圭備三公之典冊胙山
川于南土賜徒御于中軍陪食爰田行封眞賦以固
本根之重以隆屏翰之強於戲篤親愛之恩朕敢私

于爵祿長富貴之守爾其戒于侈驕惟明哲可以保身惟忠孝可以衛上往圖慶譽益沐龍光

皇伯節度使開府儀同三司除郡王

周家之建同姓以廣親親之恩漢室之王諸侯以隆貴貴之義若古有訓越予不忘載惟伯父之賢宜舉彝章之峻式涓穀且敷告明廷具官某資識純明器量宏遠允出神明之身爲時宗室之英東平好賢雅著忠孝之譽河間博古雍容禮樂之交曩稽立愛之經茂舉建侯之典高牙大纛式彰帥聞之雄華衮命

梁谿全集

卷三五

五

圭兼視合衡之貴歲時滋久問望彌休夙夜惟寅以日趨於朝請溫恭有恪克顯相于蒸嘗疇其賢勞宜有褒陟是用契龜而協吉按圖以定名表以王爵之崇昨以茅土之重大啟爾宇錫之山川時庸展親分厥寶玉以益本支之固以增屏翰之強於戲篤親愛之恩朕豈私于好爵持高滿之戒爾宜保以合名茂對龍光往綏壽報

皇子封節度使國公

朕握符御極仰承列聖之休荷天降康申錫多男之

慶眷嗣賢之挺秀稽彝憲以疏封爰擇剛辰誕敷渙
號皇第幾子天材毓粹帝武發祥函岐嶷之英姿稟
中和之淑氣文華日就聰智夙成甫臨剪鬻之期茂
舉建侯之典胙以樂土錫南國之山川授以全師畀
中軍之徒御封建厥福者定乃家赤舄桓圭備上公
之典冊路車齋鉞兼大將之威儀衍食戶租敦陪井
賦以崇廟社之祉以篤邦家之光於戲周建親賢式
固維城之義漢封子弟益隆磐石之宗惟作德罔不
在初肆亨國歷多年所往綏壽嘏茂對龍光

梁谿全集

卷三五

六

皇子除檢校少保節度使郡王

朝廷尊爵式昭貴貴之儀父子主恩必厚親親之典
眷時賢嗣夙挺天材其疏茅士之封以篤邦家之慶
飭宣典冊敷告縉經皇子具官某稚量淵澄英姿玉
粹鍾五行之秀氣備四序之純和聰智夙成溫文自
得曩稽立愛之義茂舉建侯之章擁元戎之節旌備
上公之袞舄尊德樂道克循就傅之規立禮興詩日
懋通經之訓載遵彝制宜有褒崇是用按圖以定名
拂龜而協吉奄授樂國易鎮雄藩言觀其旂錫中軍

之徒御大啟爾宇昨南土之山川越陪邑戶之多兼
異國租之實併彰異數式慰慈懷於戲保佑自天並
貺本支之茂封建厥福聿崇廟社之休惟忠孝可以
報君親之恩惟恭儉可以長富貴之守往服朕命益
介壽祉

皇子除大傅兩鎮節度使封韓王

朕荷天保佑錫慶蕃昌眷時次嗣之賢夙挺天材之
秀異口口室將行就邸之儀昨土宜茅宜錫疏封之
典誕敷渙號播告明廷皇子具官某德度粹溫性姿

梁谿全集

卷三五

七

莊重氣稟中和之淑姿函岐嶷之英流慶宗藩發祥
帝室稽立愛之前訓舉建侯之舊章有鸞其旂任摠
元戎之貴載黻斯袞秩視上公之崇尊德樂義而循
就傳之規說禮敦詩而懋通經之訓紫宮而開第
曆吉日以爰居考于典常宜有褒寵是用拂龜而協
卜按圖而定名表爲眞王奄授樂國車旗兩
鎮之節旄山川附庸撫十圻之民社敦陪并賦衍食
戶租以隆宗廟之休以壯藩垣之勢於戲朝廷尊爵
式昭貴貴之文父子主恩克篤親親之義惟恭儉可

以長富貴之守惟忠孝可以盡臣子之心茂對龍光
益綴壽報

皇姪除節度使除郡王

爵祿以馭富貴允爲八柄之先藩屏之建親賢實本
九經之重眷時猶子之懿錫以苴茅之榮涓選剛辰
誕敷顯冊皇姪具官某性姿端亮識度粹夷身出神
明初靡貴驕之習訓通詩禮雅有致思之 文曩稽
立愛之經茂著維城之義連元戎之旄鉞視三公之
服章夙夜惟寅會同見齋莊之色溫恭有恪丞嘗備
梁谿全集 卷三五 六
顯相之誠賢儀浸明師論參穆疇其聞望宜有寵褒
是宜接圖而定各契龜而協吉啟其土宇疏以玉封
敦陪井賦之多衍畀國租之實增重翰垣之勢益宏
宗祏之休於戲擅威福之權私恩不廢於公義長富
貴之守居寵當思于履危茂對龍光往綴壽社

梁溪先生文集卷第三十六

特進觀文殿大學士致仕隴西郡開國公食邑
四千四百戶食實封一千七百戶贈太師諡忠
定李綱著

詔十三首

誠諭士大夫敦尙名節

誠諭三省樞密院修舉熙豐政事

誠諭百官毋得越職犯分

誠諭省臺寺監修舉事

梁溪全集

卷三十六

誠諭監司按察州縣

誠諭士大夫朋黨

誠諭帥臣修飭邊備

勸農

恤刑

誠諭守令推行御筆寬恤

誠諭禮官嚴奉祠祭

誠諭學者辭尙體要

誠諭守令勸課農桑

朕嗣守基圖託於士民之上夙興夜寐罔敢怠遑思所以圖治功陶成風化者實賴士大夫砥節礪行作民先以善天下之俗今則不然背公營私附下罔上無宿道向化之志有締交死黨之心然垢頑頓而廉恥之風衰冒沒輕佻而忠厚之行熄方其平居高論濶議真若可信一旦遇利害僅如毛髮遽失所守責其立朝可觀臨大節而不可奪也難矣名節若此朕何望焉豈朕所以帥之者未至歟將狃於流俗而未

梁谿全集

卷三十六

二

易遽草歟昔先王之盛時在位皆節儉正直德如羔羊而風化之所行至於中林之兔置莫不好德漢上之游女無或犯禮何其盛哉朕甚慕之士大夫其思所以草心易慮稱朕意者務敦實而去浮華正奔競而崇靜退使廉恥之風忠厚之行其藹然著明足以鼓動當世則爵祿之加何吝之有詩不云乎靖共爾位好是正直神之聽之介爾景福易不云乎鶴鳴在陰其子和之我有好爵吾與爾縻之可不勉歟其或不峻邦有常刑朕不汝貸故茲詔諭想宜知悉

誠諭三省樞密院脩舉熙豐政事詔

朕維神宗皇帝考道據德制法作憲新美百度允釐庶工若昔大猷肇造三省樞密院凡天下之政悉分統之曰中書省根本機務實專敷奏除授之任曰門下省出納命令實掌論駁省讀之職曰尙書省奉行政事所以總治曰樞密院典司樞要所以本治由中以制外端本以御末綱紀法度燦然畢陳是以熙豐之治格於上下與古匹休何其盛哉朕纂承駿惠先烈繼志述事罔敢怠違熙豐之所有意而未備者增光潤色而推光之制禮作樂興事就功以大有爲於當世法完令具布方策施於四方實三省樞密院臣僚維持緝熙各揚厥職修舉政事以昭隆神考之丕績維爾六七大臣其尙一德協恭和衷可否相濟於未然之前號令必行於已出之後夙夜匪懈勤勞王家永孚於休同底於道則予一人膺受多福爾亦有無窮之聞不其韙歟故茲詔諭想宜知悉

誠諭百官毋得越職犯分

朕惟先王設官分職以法爲分小大詳畧各有差等

猶之耳目股肱相待以成體罔敢侵越故能總衆職
修庶政而天下治惟我神考若昔大猷肇新內之省
臺寺監外之監司郡縣之吏允釐厥職纖悉完具布
在方冊炳若丹青肆朕纂承祇適先烈屢下詔書不
匿厥旨俾官修其方毋得越職犯分以干邦憲庶幾
繼志述事與三代同風而比日以來卿士大夫不安
分守非所當議倡爲險膚非所當爲公肆妄作無宿
道向方之志有沽激僥倖之心豈朕所以告戒之者
未至歟將士狃於流俗而未易以遽革歟傳曰侵官

梁谿全集

卷三十六

四

冒也離局姦也詩曰靖共爾位好是正直神之聽之
介爾景福古之君子明於義命而思不出位故能受
靖共之福而無姦冒之刑朕甚嘉之子大夫其思所
以安於分守者各共乃事齊乃位度乃口以聽予一
人之作猷其或不恭邦有常刑必罰無赦故茲詔諭
想宜知悉

誠諭省臺寺監修舉事詔

昔我神考若昔大猷董正治官允釐邦采省臺寺監
各有攸司本末維持大小承式綱紀號令百度鼎新

肆熙豐之治格於上下雖三代之隆無以加也朕纂
紹丕圖祇遵先烈宵衣旰食勵精爲治思所以繼志
述事以昭先帝之休德者顧官制布在方策炳如丹
青制以用之存乎法推而行之存乎人屢降詔書具
宣德意庶幾卿士大夫修舉職事振起治功以追熙
豐之盛而比日以來省臺寺監安習因循偷惰苟簡
有豐祿營私之志無守法奉公之心慢令康官玩歲
愒日尙書政事之本動多稽違御史風憲之司恬不
糾察寺監失職百官廢弛夫省臺寺監所以推行朕

梁谿全集

卷三

五

之法令奉朝廷而倡郡縣者也曠慢若此朕何望焉
豈朕所以率之者未至歟抑告教不足以感孚必待
刑戮加焉而後草歟書不云平功崇維志業廣維勤
卿士大夫其思所以克勤勵志宿道向方以顯白功
業者務稱朕意其或不恭邗有常刑朕不汝貸故茲
詔諭想宜知悉

詔諭想宜知悉

安元元爲水深懼州縣之吏不能承流宣化達於吾

民建置監司分道按察或總漕計或司祥刑或掌常
平之政或專學校之法職雖不同而所以按察州縣
其任一也方其出使朕親御便殿以臨遣之及其還
歸復使進對以盡諮謀度詢之義視遇之禮亦已重
矣庶幾德意志慮得以下達而吏之臧否民之利病
不壅於上聞內自畿甸外薄嶺海萬里之遠風流而
令行德洋而恩普吏稱其職民安其業以底太平之
盛而監司未有卓然修舉職事稱朕意者其故何耶
今州縣之間貪吏依勢以侵漁奸吏舞文而巧詆無
梁谿全集

卷三

六

宿道向方之志有背公營私之心法完令具布在方
冊而吏惰弗虔荒失詔命使元元之民不被其澤良
法美意殆爲虛文而監司曾莫之恤惟以簿書期會
爲急務蔑視寒士捃摭細故以塞責而疆禦權勢之
吏贓汙貪籍恬不誰何夫監司朕所以寄耳目之任
也失職若此朕何望焉其自今以往各揚厥職按察
所部凡奸貪惰慢之吏曠職失守違法害民徇流俗
而無奉上之心者悉以名聞當議竄斥以爲羣吏之

奉作亭

戒其或附下庇奸畏避不舉得於訪聞罪不汝貸故

茲詔諭想宜知悉

誠諭士大夫朋黨詔

朕維唐虞之世，臯陶稷契之臣，都兪吁咈於廟堂之上，更相稱譽而無比。周之操百僚，師師盡其智能以效官職，庶政惟和。萬邦咸寧，後世想望而不可跂及。朕甚慕之，肆朕纂紹，丕圖虛心以治，陟降厥士，法天地之無私，庶幾振起治功，同底於道。而執政大臣不能體朕之意，有所薦引，認爲己功。士大夫不明於事，○之○者，因亦從而歸之。背公營私，附下罔上人，無

梁谿全集

卷三

七

賢否進非其門，則極力以排事，無是非建非其意，則騰口而議。茲風不息，浸成朋黨，豈社稷之福哉。比已簡其尤者，投之遠方，置之散地，以爲讒說殄行震驚朕師者之戒。其自今以往，大臣毋以薦引人才，銜鬻而市私恩，小臣毋以因其薦引，阿附而忘公義。靖共爾位，壤植散羣，以聽予一人之作，猷其或不悛，邦有常刑，必罰毋赦。故茲詔諭，想宜知悉。

誠諭帥臣修飭邊備詔

朕撫有方夏，牧宥萬邦，蠻夷向風，稽首來享。蠢茲西

域昏迷不恭敢讎大邦誘遁逃之臣率犬羊之旅騷擾疆場度劉邊陲哀亮鞠頑曠誅積稔神怒人憤勦殄有期爰命虎臣往行天討惟爾六七帥臣實分閫外之寄爲予爪牙整我六師修飭邊備奉指蹤之畧遵制勝之謨靈旗西指此誠壯士功名之會也爾其振勵士氣奮張軍容繕甲兵具卒乘明號令信賞罰同士卒之甘苦習山川之形勢玩寇掌上視虜日中使戰必勝攻必取日百里以闢國月三捷以奏功肅清一方掃蕩巢穴流沙瀚海歸輿地之圖元惡大憝

梁谿全集

卷三

八

正冀街之戮以攄宿憤大震天聲時汝之績不其臧歟其或不恭邦有大刑朕不汝赦故茲詔諭想宜知悉

勸農詔

農天下之本也民之所恃以生也民不務本而事末則其生不遂故先王之政以食爲首商人以歲事來辟則戒以稼穡匪懈周人遣於廟則戒以新畚鍤艾其務農重穀如此用能享豐年之報有積歲之儲教化行習俗美而頌聲興朕甚慕之今朕開千畝之籍

行三推之禮躬秉耒耜播種穆之種以給郊廟之粢
咸率民敦本爲天下先庶幾四方風動與古匹朕
意厚矣夫承流宣化推朕德意而致之民者守令之
職也其務勸農教之稼穡省其耕歛勿違其時勿奪
其力非須繫逮毋輒追呼以妨農功使服田力穡享
有秋之利衣食滋殖立太平之基稱朕意焉故茲詔
諭想宜知悉

恤刑詔

朕惟昔之治天下者至於德教而以刑弼之刑非所

梁谿全集

卷三

九

以先也虞舜好生而民不犯成康刑錯而頌聲興下

逮漢唐盛時亦皆斷獄數百一作年○幾致不用朕甚慕之

爰自臨御以來制禮以齊民本仁而出政屢降御筆

惟刑之恤定笞法減杖數寬節辰原貸之恩嚴桁楊

非法之禁庶幾德化感孚刑罰清而民服以追古治

之盛而四方典獄之吏未能稱朕○○之意情吏慢

令而勿虔奸吏舞文而巧詆訛鞠論報掠治傳爰皆

有法式莫克遵承依勢作威倚法肆暴公然違戾詔

旨使吾民陷於罪罟而未臻刑措之風殆此曹致也

自今應刑獄官司敢爲暴酷不如法者在京委尙書
刑部在外委提點刑獄按察以聞邦有常刑朕不汝
貸故茲詔諭想宜知悉

誠諭守令推行御筆寬恤詔

朕維祖宗翊業守成以仁治天下重熙累洽與古匹
休肆朕纂承祇邁先烈宵衣旰食勵精爲治立政造
事所以利安元元者一以寬恤爲先屢降御筆手詔
播告之修不匿厥旨庶幾仁治克紹祖宗風動四方
以成太平之化而比日以來監司守令奉命不虔坐

梁谿全集

卷三

十

視詔書徒掛墻壁以爲文具廢法慢令恬不加恤夫
承流宣化推朕德意志慮而達之民者監司守令之
職也失職若此朕何望焉其自今以往各揚乃職應
前後頒降寬恤事件竭力遵承毋致違戾使四方萬
里之遠實德及民以稱朕意其或不恭守令仰監司
按察監司互相糾舉以聞邦有常刑朕不汝貸故茲
詔諭想宜知悉

誠諭禮官嚴奉祠祭詔

朕嗣有令緒夙夜嚴恭齊明祀事以承上下神祇社

禋宗廟罔不祗肅深懼有司不能奉承德意昭格神
休屢降詔書不匿厥旨庶幾恪慎精潔副朕明禋休
享之意而比日以來執事不虔玩習苟簡恬勿加省
牲幣禮科取具臨時擯贊跪興不中儀式達於朕聽
良用憮然夫祀國之大事也職在禮官委任承重廢
法慢令朕何望焉自今其務所以肅恭自盡稱朕意
者敢或不恭邦有常刑朕不汝貸故茲詔諭想宜知
悉

誠諭學者辭尚體要詔

梁谿全集

卷三

十一

朕自臨御以來建學校聯師儒一道德以教養天下
之學者屢降詔書崇雅黜浮庶幾文章之盛深醇典
正炳然與三代同風而自兩漢以來爲不足議也朕
之待士至矣比覽貢士程文猥釀不醇氣格卑弱刻
意以爲高者浮誕詭詭而不協以中騁辭以爲辯者
支離蔓衍而不根於理文之不振未有甚於此者朕
甚羞之豈子大夫平日所以講貫之者未至歟抑偷
取臨時務應有司之求而怵於得失歟夫文以意爲
上以氣爲輔以辭采爲之衛翼本之固者其發爲英

華必茂源之深者其流爲波瀾必遠子大夫其思所以完養意氣本源者博極古今根柢仁義六經之書諸子百家之說必深究而明辨之則見於文辭者體要兼備宜有可觀朕有好爵與爾縻之可不勉歟故茲詔諭想宜知悉

誠諭守令勸課農桑詔

朕惟生民衣食之源莫重於農桑故幽詩陳王業之艱難孟子言王道之本必以是爲先今海內承平之久生齒日衆一夫不耕或受之饑一婦不蠶或受之

梁谿全集

卷五

七

寒饑寒切於肌膚求民興於禮義廉恥而亡爲非不可得也肆朕開千畝之籍行三推之禮躬耕於以供粢盛后浴種獻繭親蠶以爲祭服率民敦本爲天下先庶幾四方風動與古匹休朕意厚矣夫承流宣化推朕德意而致之民者守令之職也其務勸課農桑毋違其時毋奪其力非事須繫逮毋輒追呼以妨其功崇本抑末使末技游食之民轉而緣南畝杼軸之女親其蠶織四方萬里之遠男子畝婦人桑絲身穀腹衣食滋殖蓄積足以備災害而無饑寒匱乏之患

稱朕意焉故茲詔諭想宜知悉

梁溪先生文集卷第三十六

卷美

三

08561

